



Statut Planinarskog društva „Čusine“ Jajce

Overskrift

Na temelju člana 11, a u vezi s članom 52 Zakona o udruženjima i fondacijama (Sl. novine br. 45/02) Skupština planinarskog društva «Čusine», Jajce, na sjednici održanoj 02.02.2008. godine u Jajcu donosi

S T A T U T Planinarskog društva „Čusine“ Jajce

I OPĆE ODREDBE

Član 1

Planinarsko društvo «Čusine» Jajce (u daljem tekstu Društvo) je multietnička, društvena, nezavisna, neprofitabilna organizacija, a nastaje dragovoljnim udruživanjem građana u cilju zadovoljavanja potreba za planinarenjem.

Planinarsko društvo je pravni slijednik Planinarskog društva „Čusine“ Jajce, koje je djelovalo sve do rata 1992.godine

Član 2.

Naziv Društva je: PLANINARSKO DRUŠTVO «ČUSINE» JAJCE.

Skraćeni naziv društva je: P.D. «Čusine» Jajce

Član 3.

Društvo ima svojstvo građansko-pravnog lica sa sjedištem u Jajcu, Čusine bb, poštanski pretinac br. 17 70101 Jajce.

Član 4.

Društvo je udruženo u Udruženje planinara BiH. Svoja prava i dužnosti Društvo ostvaruje putem svojih predstavnika u odgovarajućim organima i tijelima udruženja i organizacija u koje je udruženo, a i u drugim organizacijama i udruženjima.

Član 5.

Znak (logotip) Društva je veliko latinično slovo «Ć» crvene boje, u čijoj se kvačici nalazi alpski cvijet-runolist bijele boje sa žutim sjemenkama. Spoljašnjost slova «Ć» je obrubljena žutom bojom, a između krajeva slova «Ć» nalazi se crvena zvijezda petokraka. U dnu slova «Ć» ispisan je naziv Društva. U

središtu slova «Ć» su dva planinska vrha zelene boje, a ispod je stiliziran plivski slap plave boje. Pozadina znaka je bijele boje.

Član 6.

Zastava Društva je svjetlo plave boje sa omjerom stranica 2:1. U sredini zastave sa obje strane nalazi se znak Društva opisan u članu 5., a oko njega je latinični natpis crvenim slovima PLANINARSKO DRUŠTVO «ĆUSINE» JAJCE.

Član 7.

Pečat Društva je krug promjera 30 (trideset) milimetara sa znakom Društva u sredini, a obodom je ispisan puni naziv Društva. Za računске i manipulativno-administratorske poslove upotrebljava se pečat istovjetnog oblika i sadržaja, ali promjera 20 (dvadeset) milimetara.

Član 8.

Za preuzete obaveze Društvo odgovara svim svojim sredstvima. Društvo predstavljaju i zastupaju: predsjednik Upravnog odbora i potpredsjednik. Za zastupanje društva Upravni odbor može ovlastiti drugu osobu u cilju efikasnog ostvarenja svojih prava i zaštite svojih interesa pred nadležnim organima.

II PROGRAMSKA NAČELA I ZADACI DRUŠTVA

Član 9.

Programski ciljevi i sadržaj aktivnosti Društva sudjelovanje na programima razvoja planinarstva, društvenog aktiviranja i vaspitanja članstva, organiziran boravak građana u planinama radi očuvanja zdravlja i razvijanja psiho-fizičkih sposobnosti, čime se doprinosi poboljšanju zdravstvenog stanja građana, upoznavanju i čuvanju prirode i kulturno-povijesnih znamenitosti, stjecanje znanja o kretanju i boravku u planini, te gajenju međuljudskih odnosa.

Član 10.

Radi ostvarivanja programskih ciljeva Društvo će raditi na ostvarivanju programa razvoja Društva afirmaciji i uključivanju planinarskih aktivnosti u škole, poduzeća i mjesne zajednice stvaranju uvjeta za bezbjedno planinarenje, podsticanju individualnog i organiziranog planinarenja aktivnom nastojanju da se planinarstvo razvija na amaterskim načelima organiziranom djelovanju na jačanju materijalne osnove Društva, naročito na organiziranom održavanju i korištenju planinarskih objekata organiziranju osnovnog planinarskog obrazovanja članstva, razvoju specijalističkih aktivnosti: alpinizam, speleologija, vodička služba, gorska služba spašavanja, planinarska orijentacija, sportsko penjanje, skijanje i sl.

U suradnji sa drugim planinarskim udruženjima, a posebno sa Planinarskim savezom BiH organiziranju: izleta, pohoda, marševa, sletova, logorovanja, tečajeva i sličnih planinarskih manifestacija, kao i učešće na manifestacijama drugih planinarskih društava izradi, markiranju, održavanju, i čuvanju planinarskih staza i transversala, organiziranju stalnih akcija na zaštiti planina i unapređenju životne i prirodne sredine, zaštiti i očuvanju kulturno-povijesnih vrijednosti i spomenika, izdavanju stručne i propagandne literature nabavku stručne planinarske literature, zemljopisnih karata, priručnika i vodiča, ostvarivanju suradnje sa drugim planinarskim udruženjima u zemlji i inostranstvu u cilju međusobnog upoznavanja, razmjene mišljenja i organiziranja zajedničkih planinarskih akcija, suradnji sa drugim udruženjima i naučnim institucijama u oblasti planinarstva i zaštite prirode, njegovanju planinarske etike, obavljanju drugih poslova neophodnih za razvitak Društva.

III ORGANIZACIJA I DJELOVANJE DRUŠTVA

Član 11.

Član Društva može biti svaki građanin koji se želi baviti planinarstvom ili aktivno raditi na razvoju i unapređenju planinarstva uz prihvaćanje Statuta i drugih akata Društva. U cilju organiziranijeg programskog djelovanja Društvo organizira sekcije, odsjeke i stanice.

Član 12.

Društvo može imati počasne članove koje imenuje Skupština na prijedlog Upravnog odbora. Počasnim članovima se izdaje diploma počasnog članstva u Društvu.

Član 13.

Članstvo u Društvu se dokazuje članskom kartom i plaćenom članarinom za tekuću godinu.

Član 14.

Prava i dužnosti člana Društva suda bude biran i da bira svoje predstavnike u organe i tijela Društva, da preko predstavnika u Društvu pokreće procese od interesa za razvoj planinarstva u svojoj sredini, da aktivno sudjeluje na sastancima i daje prijedloge za rješavanje svih pitanja bitnih za Društvo, da iznosi mišljenje i stavove o radu Društva, da sudjeluje u donošenju odluka Društva, kao i njegovih organa i tijela, da usvaja odluke i zaključke organa i tijela Društva, da izvršava dogovorene obveze prema Društvu, da poštuje Kodeks časti planinara BiH, da učestvuje u aktivnostima Društva kao što su: izleti, takmičenja, manifestacije i sl. da stiče opća planinarska znanja i stručno se usavršava, da svojim načinom života i ponašanjem stvara pozitivnu sliku o planinaru, da redovno izmiruje obveze prema Društvu kao što je članarina i sl.

Član 15.

Članstvo u Društvu prestaje:

- samovoljnim istupanjem iz Društva
- ne plaćanjem članarine za tekuću godinu
- isključenjem iz Društva na osnovu odluke Suda časti

Član 16.

Član Društva kojem je izrečena neka od disciplinskih mjera ima pravo žalbe Skupštini Društva.

Član 17.

Članstvo u planinarskoj organizaciji se potvrđuje jedinstvenom markicom. Član uživa sva prava i povlastice u planinarskim objektima društava čiji su savezi članice međunarodne planinarske organizacije (U.I.A.A.).

IV ORGANI DRUŠTVA

Član 18

Organi Društva su: Skupština, Upravni odbor, Nadzorni odbor, Sud časti i komisije.

1. SKUPŠTINA

Član 19.

Skupština je najviši organ Društva i istu čine svi članovi društva ako broj članova društva nije veći od 30. U situaciji povećanja članstva članovi skupštine će se birati proporcionalno članstvu po sekcijama ili po područjima djelovanja. Odluku o broju članova skupštine utvrđuje Upravni odbor.

Član 20.

Skupština iz svog sastava bira predsjednika i potpredsjednika Skupštine koji rukovode radom Skupštine. Mandat predsjednika i potpredsjednika traje 4 (četiri) godine sa mogućnošću ponovnog izbora.

Član 21.

Obavijest o održavanju Skupštine objavljuje se sredstvima javnog informiranja, plakatima i pozivima, najmanje 7 (sedam) dana prije održavanja. Rad Skupštine je javan.

Član 22.

Skupština se sastaje po potrebi, a najmanje jedan put godišnje. Skupštinu saziva predsjednik ili potpredsjednik Skupštine na prijedlog Upravnog odbora. Skupština se može sazvati na zahtjev jedne trećine članstva Skupštine ili dvije trećine članstva Upravnog odbora.

Član 23.

Odluke Skupštine su punovažne ako je prisutno najmanje 2/3 (dvije trećine) članova, a odluke su donesene javnim glasanjem natpolovičnom većinom prisutnih.

Član 24.

Skupštine Društva donosi statut, izmjene i dopune statuta i druge akte određene statutom donosi plan rada Društva za tekuću godinu, imenuje i razrješava dužnosti članova Upravnog odbora, Nadzornog odbora i Suda časti, donosi odluke o udruživanju u saveze iste ili srodne programske orijentacije, donosi odluke o prestanku rada Društva, odlučuje o svim drugim pitanjima koja nisu u nadležnosti drugog organa, razmatra i usvaja izvještaje o radu Društva i organa Društva.

Član 25.

Odluke, zaključci i preporuke Skupštine obavezuju sve članove Društva i njegove organe.

2. UPRAVNI ODBOR

Član 26.

Upravni odbor je izvršni organ, izabran od Skupštine i za svoj rad odgovara istoj. Upravni odbor se sastoji od 7 (od sedam) članova sa mandatom od 4 (četiri) godine i mogućnošću ponovnog izbora.

Član 27.

Iz izabranog sastava Upravnog odbora Skupština imenuje predsjednika i potpredsjednika Upravnog odbora na 4 (četiri) godine. Upravni odbor iz svog sastava bira tajnika/sekretara.

Član 28.

Zadaci Upravnog odbora su: pripremanje sjednica Skupštine, pripremanje nacрта izmjena i dopuna statuta i drugih akata koje donosi Skupština, provođenje odluka, zaključaka i preporuka Skupštine, upravljanje imovinom društva u skladu s odlukama Skupštine, predlaganje godišnjeg plana rada Društva, pripremanje i podnošenje izvještaja o radu Društva Skupštini, donošenje kućnog reda i staranje o planinarskim objektima, imenovanje i kontroliranje rada komisija, sekcija i odbora, imenuje zamjenike u svim tijelima, imenuje blagajnika Društva, vršenje drugih poslova u domeni Društva utvrđenih Statutom i drugim aktima

Član 29.

U suradnji sa tajnikom/sekretarom, sjednice Upravnog odbora saziva i njima predsjedava predsjednik, a u njegovoj odsutnosti potpredsjednik.

Za punovažan rad Upravnog odbora potrebno je prisustvo najmanje 2/3 (dvije trećine) članova Upravnog odbora. Odluke Upravnog odbora se donose natpolovičnom većinom prisutnih članova.

Član 30

Prestanak članstva u Upravnom odboru: 3 (tri) uzastopna neopravdana izostanka sa sjednica Upravnog odbora, ne izvršavanje preuzetih obaveza ukoliko to odluči Upravni odbor u skladu sa Statutom, ukoliko dođe do prestanka članstva jednog od članova, Upravni odbor može uključiti novog člana u Upravni odbor do isteka mandata kako bi valjano mogao nastaviti sa radom.

Član 31

Detaljnije definiranje načina rada i obaveza Upravnog odbora uredit će se Poslovníkom o radu.

3. NADZORNI ODBOR

Član 32

Nadzorni odbor se sastoji od 3 (tri) člana i 3 (tri) zamjenika koje bira Skupština na 4 (četiri) godine sa mogućnošću ponovnog biranja. Članovi Nadzornog odbora ne mogu biti istovremeno i predstavnici u Skupštini i Upravnom odboru Društva. Članovi Nadzornog odbora od svojih članova bira predsjednika Nadzornog odbora.

Član 33.

Nadzorni odbor radi na sjednicama koje saziva i kojima predsjedava predsjednik Nadzornog odbora. Za pravovaljano donošenje odluke potrebna je natpolovična većina članova Nadzornog odbora.

Član 34.

Nadzorni odbor nadzire, u skladu sa zakonom, materijalno i financijsko poslovanje i izvršavanje programa rada, rada tijela i stručnih službi, te zakonitost i primjenu općih i organizacionih akata i zaključaka Skupštine i Upravnog odbora i drugih radnih tijela, komisija i odbora. Sva tijela Društva dužna su nadzornom odboru omogućiti uvid u svoje cjelokupno poslovanje. Nadzorni odbor izvještaj o svom radu podnosi Skupštini Društva i daje prijedloge, a može sazvati Skupštinu ukoliko utvrdi nepravilnosti u radu i raspolaganju materijalnim i financijskim sredstvima.

4. SUD ČASTI

Član 35.

Skupština Društva bira Sud časti koji se sastoji od 3 (tri) člana i 3 (tri) zamjenika na 4 (četiri) godine sa mogućnošću ponovnog izbora. Članovi Suda časti između sebe biraju predsjednika Suda časti. Sud časti pokreće i provodi postupak i donosi odluke o nestatutarnom ponašanju i narušavanju pravila planinarske etike članova Društva.

Član 36.

Sud časti radi na sjednicama koje saziva i kojima predsjedava predsjednik Suda časti. Za pravovaljano donošenje odluke potrebna je prisutnost natpolovične većina članova Suda časti.

Član 37.

Sud časti odlučuje o nestatutarnom ponašanju članova Društva i narušavanju pravila planinarske etike i u provedenom postupku može izreći, za lake prekršaje kazne opomene ili ukor, a za teže prekršaje

kazne zabrane djelovanja na planinarskim akcijama u periodu od 1 (jedne) godine ili zabrane obavljanja funkcije u izvršnim tijelima u periodu od 1 (jedne) do 3 (tri) godine. Postupak pokretanja i provođenja odluka Suda časti uređuje se pravilnikom.

Član 38.

Nakon odluke Suda časti za najteže prekršaje (povremeno ili trajno isključenje) kažnjeni član Društva može u roku od 15 (petnaest) dana po dostavi odluke Suda časti pokrenuti žalbeni postupak na Skupštini Društva, a nakon odluke Skupštine u daljem periodu od 15 (petnaest) dana pokrenuti arbitražu kod Suda časti Planinarskog saveza BiH.

5. KOMISIJE

Član 39.

Različite planinarske aktivnosti obavljaju se u Društvu kroz rad stručnih i organizacionih komisija. U Društvu će se formirati stručne komisije (kada se za to steknu uslovi) za: školovanje kadrova, alpinizam, speleologiju, planinarske putove, zaštitu prirode, vodiče i planinarsko skijanje. Organizacione komisije postoje za: gospodarstvo, promidžbu i izdavačku djelatnost, priznanja, povijest planinarstva te komisije za statutarnu, normativnu i kadrovsku djelatnost. Osim navedenih, Upravni odbor po potrebi može osnivati i druge komisije.

Član 40.

Komisije djeluju na osnovu pravilnika koje na prijedlog tih komisija ili stručnih službi donosi Upravni odbor uz suglasnost Skupštine Društva. Rad komisija vode načelnici koje biraju članovi komisija između sebe i predlažu ih za imenovanje Upravnom odboru. Osnovno financiranje komisija ostvaruje se iz proračuna Društva.

V IMOVINA DRUŠTVA

Član 41.

Imovinu Društva čine nekretnine (planinarski dom sa pripadajućim zemljištem na Ćusinama), pokretnine, materijalna dobra i prava, te novčana sredstva kojima Društvo raspolaže i upravlja. Imovinom raspolažu i upravljaju tijela Društva.

Član 42.

Društvo ostvaruje sredstva za rad kroz članarinu članova Društva, dobrovoljne priloge i poklone fizičkih i pravnih osoba, sredstva dodijeljena iz budžeta/proračuna raznih nivoa vlasti, donacije fizičkih i pravnih osoba iz inostranstva. prihode od kamata, dobiti od kapitala, zakupnina, honorara i slično, druge prihode u skladu sa sporazumima, ugovorima i zakonima, prihodi ostvareni kroz organizacije izvođenje javnih radova (uređenje grada određena područja, korita rijeka, obale jezera itd.).

Član 43.

Društvo upravlja sredstvima za svoj rad u skladu sa propisima o materijalnom i finansijskom poslovanju neprofitabilnih udruženja i u okviru proračuna Društva. Akta koji se odnose na upravljanje imovinom i finansijsko poslovanje potpisuju zajednički predsjednik Upravnog odbora odnosno njegov zamjenik u odsustvu i sekretar društva.

Član 44.

Društvo može stjecati pokretnu i nepokretnu imovinu. Odluku o stjecanju imovine, kao i odluku o davanju nekretnina u zakup, donosi Skupština Društva na prijedlog Upravnog odbora. U iznimnim slučajevima tu odluku može donijeti i Upravni odbor, s tim da istu naknadno odobri Skupština. Društvo

može dati u zakup planinarski dom, skloništa ili njihove dijelove uz obavezni pismeni ugovor sa zakupnicima. Odluku o prodaji imovine Društva donosi Skupština u skladu sa zakonom i propisima.

Član 45.

Imovina Društva, u slučaju prestanka rada Društva, odlukom i ugovorom daje se na upravljanje općini, sve do ponovnog aktiviranja rada planinarskog društva, kada mu se ista ponovo stavlja na raspolaganje i upravljanje.

Član 46.

Planinarski dom i skloništa posluju po pravilima planinarske organizacije. Upravni odbor predlaže, a Skupština donosi Pravilnik o poslovanju i upravljanju planinarskim objektima i Kućni red planinarskih objekata.

VI PRIZNANJA

Član 47.

Društvo može u znak priznanja, a u cilju isticanja primjera, pojedine članove planinarske organizacije pohvaliti i nagraditi za savjesno i uzorno obavljanje preuzetih obaveza i za uspjehe postignute u planinarstvu. Društvo može pohvaliti i nagraditi planinarske družine, druga planinarska društva i organizacije za postignute uspjehe i suradnju.

Član 48.

Pohvale i nagrade dodjeljuje Skupština Društva, a na prijedlog i uz obrazloženje Upravnog odbora. Pohvale i nagrade mogu biti: javna pohvala, pismena pohvala, priznanje, diploma, plaketa, planinarski rekviziti i oprema.

Član 49.

Članovi Društva, kao i oni koji potpomažu rad Društva, mogu biti predloženi za postojeća priznanja Udruženja planinara BiH (PSBiH) i drugih organizacija.

VII PRESTANAK RADA

Član 50.

Društvo može prestati sa radom: pravovaljanom odlukom Skupštine Društva, dvije godine uzastopno neodržavanje Skupštine Društva zbog slabljenja rada Društva, a članovi nemaju više interesa za opstanak Društva, zabrana rada Društva od strane nadležnih sudova u slučajevima određenim zakonom, ako se broj članova društva smanji ispod broja određenog zakonom za osnivanje udruženja.

VIII PRELAZNE I ZAVRŠNE ODREDBE

Član 51.

Nacrt izmjena i dopuna Statuta priprema i utvrđuje Upravni odbor i upućuje na javnu raspravu. Javna rasprava traje 15 (petnaest) dana. Upravni odbor priprema i utvrđuje prijedloga Statuta na osnovu prijedloga i mišljenja javne rasprave i upućuje ga Skupštini na usvajanje.

Član 52.

Tumačenje odredbi ovog Statuta daje Upravni odbor i Komisija za statutarnu, kadrovsku i normativnu djelatnost.

Član 53.

Sve ostalo potrebno za neometano obavljanje svrhe, ciljeva i djelatnosti Društva, a što nije propisano u ovom Statutu, uređuje se posebnim pravilnicima i poslovnicaima koje donosi Upravni odbor.

Član 54.

Statut Društva mora biti u skladu sa Planinarskim savezom BiH. U slučaju nesklada prednost će se dati aktima Saveza imajući uvidu programske ciljeve i zadatke.

Član 55.

Ovaj Statut stupa na snagu danom usvajanja Skupštine Društva.

Broj 01-02/08

Datum, 04.02.2008

Predsjednik Skupštine

Hodžić Esad